

# АС-САЛАМ

www.assalam.ru  
www.islamdag.ru  
assalamweb@gmail.com

№7 (162)  
1 июль 2015 шин  
Рамазан 1436 шин  
Багъа 30 къуруш

МУСУЛЬМАННАЛ РУВХИАНИЙССА ККАЗИТ

НА ЛАКСКОМ ЯЗЫКЕ

БИСМИЛЛАГЪИ ПРАХИМАНИ ПРАХИИМ

## Барча баву

Ас-саламу аьлайкум ва рахматуллагъи ва бакаратугъ, ххирасса мусульмантал!

Аллагънайн ﷻ шукру жунма Рамазан барз буллусса – бунагъру шюшаврил ва Аллагънал ﷻ барачат ликкан бувавил барз. Рамазан хъанахъиссар яла хурмат лаваймур ва агъаммур барзну гъарца мусульманчуннан. «Рамазан барз» тисса мукълва мусульманнал дакъурдивун ххаришиву дутай, цанчирча, му барз инсаннал чурхан захиматшиву дусса бунугу, муниву хъинну хъунмасса чири буссар, мунил къиматгу Рахману-Рахимсса Аллагънан ﷻ бакъа къакълуссар.

Аллагънайн ﷻ шукру, шиная шинайн Рамазан зуруй зума дугълагъими, хъхъувай таравихрал чакру буллалими гъарза хъанай бур. Амма уттигу бур шалва барз бугъан къахъунссар тимигу, царагу зума къадугъаймигу. Мукунминнан дакъинийн бутан ччива Идавсил ﷺ хладис: «Халкъуннан кълуссания Рамазан зурул мийжаннугу цукунсса барачат ва хъуншиву дуссарив, миннан ччанссия ва барз шалагу шинай бивкун». Зума дургъусса чумал гъарца лахлалухлу чичайссар аьдад дакъасса чири.

Абу Гъурайрал бувсусса хладисраву ув-

куну бур: «Аллагъ тий ур: Адамлул ﷺ оьрчал бувсса гъарца амал мунал буллалиссар цанма, так зума дугъаву ца Тул цанийри дуллалисса, мунихсса чиригу На булунна...» (аль-Бухари).

Рамазан барз хъанахъиссар гъарца мусульманчув Аллагънал ﷻ рязишиву тгалав дувансса амаллу бувайсса барз. Мунин бувну, гъашинугу Рамазан барз хъуна бакъин жунма нясив бувсса Аллагънайн ﷻ шукру буван аьркинссар. Ва мукунма, чла учин аьркинссар кумаг ва барз багъайсса куццуй гъан буван, жула ва жула гъанминнал бунагъру шюшинсса сававру чйяру дуллан.

» 3

Ва  
номерданий :



лаж. 5

СсахI – зумаритавал закат



лаж. 6

Дувара дуаь!



лаж. 7

Сайфуллагъ-Къадинал назму



## Рамазан зурул насихлат

Лагавай бур жула оьрмулийсса ттигу ца Рамазан барз. Жува Аллагънал ﷻ цими шинай битантиссарив ва дунялий щинчав къакълуссар. Ялунчин жува Рамазан зуруйнин яхъунтшиву къакълулихха. Вай неъматсса мубараксса Рамазан зурул гъантрай жува мусульмантал буру зумарду дугълай, ва кйирисса гъинтнил чумал кйинигу лахъисса, мякъ ва ккаши бухлай так ца Аллагънал ﷻ жуйва ялув бивхъсса бурж биттур буваншиврул.

Жунма кълули зума дугъаврицун аьркинни жула базурду буруччин бунагъ-



ру бувавриягу. Жунма кълусса куццуй, хлалал ва хларам хлала-ккаласса дукрарду канакисса чумал инсан кунклу шайссар бунагъ буваврийн. Мунияту бухъунссар

цанасса дуки-хлачиялувун дунгъузрая дурсса къюркъусса добавкарду (Е 100-103 ва м.ц.) хлала дуллай тий жуцава бунагъру чйяву хъанахъисса.

Яла-яла чйявусса бунагъру хъанай бур яруннах, вичлах ва мазрах. Хлараммуних буруглай, музыкалух вичидихълай, махъа гъалгъа тий – бакъаривкъай вай инсаннаца чйявуну шайсса вай бунагъру? Аллагънал ﷻ цимилийну жухъхъунма буллуну бур неъматсса Рамазан барз. Му зуруйвагу аьркинни жуцава шайкун арх хъун бунагъ буваврия, буруччин жула-ва бакру оьккисса пикрирдая.

Яла зума дугъаврил барз къуртал хъункун, Зумаритавал байрангу ххарину

хъуна даркъуну, нахлусса дукрардалгу бувчуну, та нуклусса Рамазан зуруй зума дугълай бивкисса инсантурал нафсиран ччан бикъайссар цақуну чйярусса дукра дукан. Мунин бувну Рамазан зурул хъиривсса Шавваль зуруй цалва нафсирайн кърши увккун, Аллагъ ﷻ рязи увну зума дугъаврихсса чири хъунмассар.

Мухаммад Идавсил ﷺ увкуну бур хладисраву: «Рамазан зуруй зумагу дургъуну, хъирив Шавваль зуруйгу ряхва гъантлий зума дургъуманан шалла шинай зума дургъуссаксса чири буссар» (Муслим). Аллагънал кумаг буваннав Шавваль зуруй зума дугълай шинай дургъуссаксса чири хъуншиврул. Аллагъумма амин.

## Диндалул цакь дувайссар цашиву

Уттигъанну Дагъустаннал Хъун шагърулий хъунни республикалул даражалисса 1-мур Мусульманнал форум «Дагъустаннал халкуннал цашиву цакь давриву диндалул бугьлагъисса клану» тисса. Форум бия хас буну Рамазан барз байбисаврин. Мажлис хадур буну бия Дагъустаннал Муфтиятрал ва РДлул диндалул комитетрал.

Форумраву гьуртту хъунни Дагъустан республикалул президент Рамазан Абдулатипов, муфтий шайх Ахмед-хажь Абдулаев ва мукума, шагърудал ва районнал имамтал, хукуматрал зуалт.

Мусульманнал форумрал мурадгу бия республикалий дакъаву ва цашиву цакь дувансса.

Форумрай махъ лавхъсса Дагъустаннал бакъинал увкунни: «...мубараксса Рамазан барз хъанихъиссар жува марцъ шаврил, дакъаву дуручаврил ва хъинсса амаллу баврил барз. Ва зуруй мусульман агъали так дуки-хачиялия махъунмай шаву къагъассар, аьркинсар ххуйбакъасса пикрирду, махъру ва амаллу къабитан. Муниври дусса зума дугъаврил мягна».

«Дагъустан Исламрал ххулийх най азарда шин хъуну дур. Азарда шинай жува буру дуаь дуллай Аллагьнал кумаг паракъатшиву дулуншиврул. Амма па-

ракъатсса кьинирду жула миллатран чъярусса къаккаккай. Чъярусса чапхунчитал куннал хъирив ку бучайсса бивккиссар дагъустаннал аьрщарайн. Мукум бунугу, жура дуручарду жула маданият ва дин. Дагъустаннаатури щала Аьрасатнавух Ислам ппив хъусса. Мунияту, щала мусульманнал ум-



матрал хъхъичъ жула жаваблуншиву хъуннассар. Дагъустаннай мудангу дирккиссар марцъсса дин – Ислам» - ув-

кунни Рамазан Абдулатиповлул. Дагъустаннал бакъинал дакъинал бивчунни хъхъичъва Сириянал муфтийну ивккисса Ахмед Кафтардул махъру: «Совет хукуматрал чъумал на ивссара Дагъустаннай. На тиккусса агъалинащал архал чакру бувайссия. Чувчав дунияллий ттун хъуна къабавкъуна

«исламрал терроризм» тисса. Исламраву цукунчавсса терроризм дакъассар. Дуссар так исламрайн къаршисса терроризм! Ва мубараксса барз жува ишла бунан аьркинссар тлайламур бацан буллай, хъиншиву ва уссушиву цакь дуллай, жула мусульман уммат гъаз буллай» - увкунни Р. Абдулатиповлул. Дагъустаннал муфтий, шайх Ахмед-хажь Абдулаевлул барча бунунни циняв мусульмантал Рамазан зуручал: «Бувкунни Рамазан барз – мусульманнал яла ххирамур барз. Ва хъанахъиссар бунагъру багъишла битаврил барз. Ва зуруйри Мухаммад Идавсичан кьуръан ликкан буллай байбивхъусса. Аллагьнал кумаг дуваннав жула зумарду, ва зуруй бувсса хъинсса амаллу, дакъурдивун паракъатшиву дутаннав, хъинмур бувансса къувват булуннав, оьмуния буручиннав» - увкунни шайх Ахмед-хажинал.

Дагъустаннал муфтийнал барчаллагъ увкунни Р. Абдулатиповлухъ республикалийсса мусульманнах ва миннал аьркиншивуртта хъуннасса къулагъас ва аякъа дуллай унутий.

«Рамазан зуруй жунма аьркинссар жува баххана бунан, куннал куннан-кумаграл ка титтин, мискинминнал чъарав бацан. Мусульманнал аьркинсар куннал ку багъишла битан» - увкунни Дагъустаннал мусульманнал бакъинал.

## Лакрал батлаву Москвалив

Июнь зурул 16-ний Москваллив хъунни лакрал маданиятран, тарихран ва диндалун хас дурсса батлаву.

Шикку гьурттушинна дурунни жагъилсса аьлимчу-тарихчи Зураб Хажиевлул, лакрал районнай каялувшиву дуллалисса Дагъустаннал муфтийнал хъиривчу Магадов Мухаммадрасул-хажинал, ва Москваливсса лакрал жагъилтурал. Хажиевлул бувкунни доклад «Дагъустаннал тарих: авзал замана ва хакъинусса кьини» тисса. Ванал ккаккан дурунни бавтминнан махъсса спурттуву тиртлусса лакрал тарихран хас дурсса кутлуш и вуртту дусса слайдру.

Мажлисрай махъ лавхъуна Мухаммадрасул-хажинал. Дагъустаннал муфтийнал, шайх Ахмед-хажь Абдулаевлул цанияту барча бунунни циняв бавтисса хъамал Рамазан зуручал. «Дин хъанахъиссар тарих-

рал ца бутла. Лакрал тарихгу мудан дархуну дирккиссар диндалушал. Ватандалухсса ччавугу диндалува ххуйчулий ккаккан дуллай дур. Цала ватан, миллатрал маз, маданият, тарих къаххирасса инсан щаллуну дин дусса къайконтиссар» - увкунни Мухаммадрасул-хажинал. Му бакъассагу ванал бувсунни Рамазан зурул ва зума дугъаврил ххирашивруя. Бувчин бунунни ва барз бушиву гъарца мусульманчунал цала-амал хасият ххуй чулиннай



ктура даян дувансса сент. Лакку мазрайсса мавлудру дуркуна Махачкъалалул Хъун мизитрал муадзин Мухаммадхалиб-хажинал.

Абдурашид Мухаммадов

## Рузнама тасттикь дурунни

Махъсса спурттуву интернеправу бувккун бур хаварду ва видеоролику Дагъустаннал Муфтиятрал сакин дурсса рузнамалий кьорххил чаклил чун хъиннура ччяни ккаккан дурну дур тисса. Ми хавардал мусульманнал дяниву щакру буллай бур, цанчирча, кьорххил чаклил чун дуркун махъ дукра дуркуманал зума зия шайнутий, тий. Му бакъассагу, чун дучаннин бувсса чакгу хисав бакъанутий.



Мунин буну, ва рузнама сакин дурсса чъярусса диндалул аьлимтал, мизитрттал имамтал ва жаваблунсса агъали личи-личисса кантурдай къатлув бувккун, цал утигу ххал дурунни кьорххил чаклил чун та дуклай дурив. Июнь зурул мукъра кьини (20, 21, 22, 23) хъинну хъирив лаяву дурну, чани хъа-хъа тий дайдихлахъисса чун ххал дурунни Дагъустаннал Муфтийнал 1-ма хъиривчу Ахмед-хажь Къахъаевлул, Хасавюрт шагърулул имамтурал хъунама Оьмарасхалб-хажь Умалаевлул, Хасавюрт шагърулул мизитрал имам Яхья-хажь Мухаммадовлул, аьлимчу Ахмед-хажь Исаевлул, Муф-

тийнал кумагчи Мухаммад-хажь Мухаммадовлул, Каспийск шагърулул имамнал хъиривчу Анвар-хажь Касанкусиновлул, Махачкъалалул Хъун мизитрал имамнал хъиривчу Мухаммад-хажь Кьурбандибировлул, Гонада шъраватусса аьлимчу Хажияв Ашахановлул, Чъарадиял райондалул имам Мухаммадрасул-хажь Шариповлул, ва мукума Кизлярский ва Тляртинский районнал имамтурал. Вай цинявнал бургаву дурну дур личи-личисса районнай – зунттаву ва лагъний. Циняв аьлимтурал тасттикь буну бур Муфтиятрал хадур дурсса рузнамалий буну, тлайлану дуклай душиву кьорххил чаклил чун.

**Учредитель**  
Благотворительный фонд «Путь».  
Газета печатается по согласованию и одобрению Духовного управления мусульман Дагестана

**Редакционный совет**  
Председатель редакционного совета муфтий РД  
Ахмад-хаджи АБДУЛАЕВ  
заместитель муфтия РД  
Махди-хаджи МУТАИЛОВ

**Главный редактор**  
Азиз МИЧИГИШЕВ

**Редактор**  
Шамиль ОМАРИЕВ

**Заместитель редактора**  
Иса ОМАРОВ

**Канонический редактор**  
Давуд-хаджи ТУМАЛАЕВ

**Менеджер**  
Абдусабир АХМЕДОВ

**Дизайн, вёрстка**  
Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.  
При перепечатке ссылка обязательна.  
Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № \_\_\_\_\_

Тираж 3 300 экз.

Дано в печать 01 июля 2015 г. в 17:00  
Индекс 51388

**Адрес редакции**  
367015, РД, г. Махачкала, проспект Акушинского, 5-я линия, 19.  
Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

**E-mail:** assalamlak@mail.ru  
**www.assalam.ru**

## Барча баву

1 « Хъама битан къабучиссар Рамазан – рахъму-цѣмилул барз бушиву. Ѓарцаннан насихат буллау ура куннал куннан гьалатру, къаччан биклауртту багъишла битан, оърму марцѣсса чѣапѣуя байбишин. Аллагьналгума жѣ жула бунагъру багъишла битлай унува, цукун шайссар жуцава куннал куннайн къаши дургъуну биклан.

Рамазан зуруй хъинсса амаллу баву – хъинну агъамсса ишри. Хадисраву бѣвсун бур ва зуруй гьарца амалданул чири 700 даражалул лавай шайшиву. Ва зуруй шьайтлан бахлайссар, мунияту хъинмур буван бигъану биклайссар.

Ялагу, учин чѣива цѣ-дунугу ца саварайну зума къадугъайминнахъ: хларачат бѣвара зума дургъуманан ита дакъинсса дукра дулун, мунихлу зун хъинну хъунмасса чири хъунтиссар. Мукума, къашавай уну ягу цамур саварайну зума къадугъайманан



къабучиссар дургъуманал хъхъичѣ дукья канан ягу хлачѣя хлачлан. Хурмат биклан аьркинссар.

Кафе, ресторан бѣсса инсанналгу му дьхтта лавкъуну, маркѣчланмай, хъхъувай зузи бѣварча хъинссар. Мунияту жула республикалий

чѣалантиссар Рамазан зурул асар.

Цал уттигу дакъинн бутан чѣива Рамазан зуруй зума дугъаву так дуки-хлачѣялия махъунай хъуну щаллу къашайшиву. Идавсил хадисраву увкуну бур: «Къюрххил зума дугълай айивхъуманал оьккисса махъ маучарача, пикри бакъасса тѣуллу мадуварача» (Муслим).

Ялагу Идавсил увкуссар: «Чѣявуми зума дургъуминнан мунияту ккаши ва мякъши-ва дакъа цамур хайр къабияйссар. Чѣявуми хъхъурду чакру буллау гъан дѣвайминнан мунияту шану бакъаши-ву дакъа цамур хайр къабияйссар» (Ибну Мажагъ).

Вай хадисирттахун бавкъусса мисаллу чѣявуса бѣцин хъунссар. Масала, зума дургъусса инсаннал хларамсса хъус ляхълай ухъурча, ягу зумагу дургъуну цайминна махъату гьалгъа тѣий, гьибат-бугътан буллау ухъурча, мукуминнал умуд ссайни? Мунияту, зума дургъума аьркинссар цала маз бурувчуну иклан. Мухаммад Идавсил увкуссар: «Аллагънаесса чѣирилийн умуд бѣвхъуну, Рамазан зуруй зума дугъайманал цѣняв хъхъичѣва бѣвсса бунагъру шюшайссар» (аль-Бухари, Муслим).

Тгул умуд бур Аллагънал цѣняв бунагъирттая марцѣ бѣвминнавах жувагу хъунссару тѣисса. Дагъусттаннал Муфтиятрал ва ттула чулуха барча буллау ура цѣняв мусульман агълу Рамазан зурушчал ва Зумаритавал къинилушчал.

Дагъусттаннал муфтий, шайх Ахмед-хѣджи Абдулаев

## Ахиратрал къатта

Бѣхатталу хъанахъиссар ахиратрал къаттану. Цуппагу ялгъузсса кланур. Цуманал рухѣ неъматрай, цуманалсса аьзаврай дуссарив къакѣулссар. Дуниятлийният гьаттаву чѣун хъуннасса лагайссар.

Жуятува личѣий хъуну гьаттаву бѣвхъумий личѣи-личѣийсса ахѣвалданий биклайссар. Хъхъичѣва-хъхъичѣ гьаттаву ивхъума гьаттал чѣувин айссар, ниттил оьрчѣ чѣувин бѣвайсса кунма. Яла ялун бѣчѣйссар кѣя малаик Мункар ва Накир цѣарду дѣсса. Миннал суаллу буллуну ххал увайссар ялун увкѣма цуксса хладур хъуну урив Аллагънал хъхъичѣ авцѣуну жаваб дулун. Суаллугу укунссар: вил Зал цѣури, вил Идавс цѣури, вил дин цѣмурди, вил къибла цѣури, Имам цѣури, иман ссайн дирхъуну уссияв, чак, зума, закят, хѣаж цѣир, мий цукун бѣвайссия. Нитти-бутташалсса, оьрчашалсса, гъанчунашалсса, чѣлахуврашалсса арарду цукунсса дѣссия. Хъус-хъиншиву цукун лякъ-айссия, цукун харж дѣвайссия, касму цукун дѣвайссия, мува журадул цаймигу затру, ишру ххал бѣвайссар, цукун дуллау ивкѣун урив. Жавабру тѣайла дацѣарча хаснува Имандали суал бѣвсса чѣумал, аьзав къадуллунува итадакъайссар рухѣ. Къадулурча захматшиврувун дагъайссар. Дуллау ивкѣмур, кѣулмур бакъа, цамур щѣлусса, бакъасса зат бѣвсун хъяврин буван къашайссар. Мунияту шѣива бунува диндалул масъалттал хъирив лавну, кѣул дурну, ишла дуллан аьркинссар. Гьаттаву рухѣирансса неъматирттая бѣвсун бур хъинну дакъ ххари хъунсса хладисру. Мукума аьзавирттаягу бѣвсун бур, хъинну духлан захматсса душиву. Жува чѣяруну дуаь дѣвайсса чѣумал учару гьаттал аьзаврашчагу буручча, Аллагъ куну. Цума цаннангу ккаккан бѣхъайсса, хъинну нигъачѣисса зад къадиркѣссания, чѣяруну къадулланссия му дуаьгу.

### Хатталлий дѣван бѣчѣимур ва къабучѣимур

Хатталлул чѣарах нанинал, мивун увхнал хъхъичѣ ссалам булайссар

миккусса агъулданухъхъун, «Ассаламу аьлайкум муьминсса хлатталул агълу, зу хъхъичѣ лавгмий буру, жу зучлан цѣчѣун хъунмий буру. На ниѣт дуллау ура зул рухѣирдайн бѣяннав куну сура «Фатихѣ», «Ихлас», аѣт «аль-Курсию» м.ц. буккин куну, ниѣт дурмур буккинссар. Жунма къабаярчагу ссаламгу зана бѣвайссар, аьзаврай дакъамий рухѣирдангу чири, хъиншивуртту дѣян дѣвайссар. Ца-ца аьзавраймур мурахасту дѣван бѣхъайссар жулла дуаьлийну. Щѣлкъуй



гьаттачѣан зѣяратрай най ухъурча, къиблалул чулий авцѣуну бѣвайссар ссалам булаву. Ялувсса уртту щѣуллѣсаксса риттун хларамссар, рирттуан хъунмасса бунагъ бѣвсар. Гьаттал залл гиву ивхъумари. Ялув ххярхсса уртту тасбихѣрай, зѣкрилий дѣкѣйссар, чиригу гивумананни. Уртту рирттуну чирирда махѣрум уван къабучѣиссар. Кѣялабарз бѣхълай бухъурча, мунияту сурат дѣшин хларамссар, къадагъа дѣвсар. Суратру дѣсса кланттайн малаиктал къабучѣйссар, тай малаикталгу цѣмилушчалли бѣчѣйсса. Кѣялабарз цуппагу ххирасса, ххаллѣлсса бѣшаврил цѣкѣуй хайр хъиншиву дакъассар, заралмур бѣвсар. Цанчирча аьркинсса кланттай харж

къадурну жулла хъус экъи дѣчаву хъанай тѣий. Лагма чару бѣшлай лахъ дуллалаврилгу цѣкѣуй хайр бакъасса затри. Ца гьаттаву кѣя-шамату бѣшин бѣчѣиссар, ца тѣий ца ший ца дѣнѣву. Амма цанна-цаннасса дѣкѣву хъинссар. Хъхъичѣва увчѣусса цѣ унугу ца гъанчунал чѣарав цѣва уччин клану бугъангу ихтияр дѣвсар. Хатталлул дѣкѣра дѣкаву, щѣин хлѣчѣаву, утту ивхъуну шанашаву, хъярч-махсарартту буллалаву къабучѣиссар. Арамтал ва хъами

хлала-ккала зѣярат буллалаву къабучѣиссар. Личѣи-личѣину бѣвайссар. Уссурвал, ссурвал, нину-ппу, оьрчѣру ахлал бѣчѣиссар. Амма хъаннин, душваран цала ппу, буттал ппу, бутта уссу, уссу, уссил арс, ссил арс, цала лас акъасса цаманал гьаттачан гъан зѣярат буллалаву къахъинсар! Хъанничѣан буван бѣчѣиссар. Ца хатталу къуртал хъуну, цамур дайдѣхълай бухъурча, гъансса янилусса, зѣярат буван бѣгъасса клану биклан аьркинссар. Цуппа хатталун ита бавкъусса кланугу биклан аьркинссар, ца инсан заллусса, цѣлва хушрай буллусса, жяматрал хъхъичѣ на ва пулансса хъу, вана ва клану жяматран хатталу дѣван вакъфу хлѣсаврай буллалѣс-

сара куну буллусса. Мукум бакъа, щѣил бѣвсарив къакулсса кланай ягу жямат щѣлва заллусса кланай къадувайссар, цѣвай рѣзину, цѣвай рѣзий бакъа биклан бѣхъайнутѣий. Мукум бѣястру буллалѣсса кланай ахиратрал къатта буван къашайссар, лая къатта шайссар. Аллагънал хъхъичѣ жавабгу къадучѣйссар, аькъубалунсса ишгу шайссар. Махъа-махъсса инсан увчѣуну ттуршра шин ларгун махъ кѣилчингу гара хатталлун ишла дѣван ихтияр дѣвсар. Хатталу дѣван вакъфулун буллусса кланугу абадлий хатталуну личѣйссар. Цамур затран ишла дѣван, ахъ буллау, къатта буллау ухъурча цѣкѣуй, ливтѣунал рухѣру цѣхара нааьна дуллалѣ дѣвмари. Хъинну заралссар мукум ишла дуллалинан. Хатталу цурдагу, лагма я чѣира бѣвну ягу цамур цѣкъсса чѣпар дурну, миккун хлѣйван, жанавар лахъаврия мюхчан дѣван аьркинссар чѣра бакъа. Къадурну бухъурча, му щѣла жямат аьйбиралун, бунагъралун багъсса жяматри. Зарал бакъа хъиншиву дакъассар муниву. Му дайгъузанну дѣвангу цѣанасса чѣумал личѣину захмат хъунсса зат бакъар, цанма чѣирлун чѣинашча дѣван хъунссар. Ца-ца бутѣа ца-цаннал булурчагу щѣллу хъунссар. Ххирасса кѣялабарзру бѣшѣяр миккун харж дѣварчан, чирирду хлѣсул хъунсса аьмал хъунссар. Му хатталлий укъавчѣусса инсаннах кѣялабарз бацѣан бувангу къабучѣиссар. Гъав нясив хъусса кланай бѣшѣйссар. Дуаьрив чув авцѣуну дуллау ухъурчагу пуланнал рухѣирийн дѣян дѣва я Аллагъ учирча, дѣян дѣвайссар. Гъурбатрай, ялун гъанма акъа ливчѣисса мусульманчувал бунагъирттал аьпа бѣвайссар Аллагънал. Мугу хъунмасса цѣмир жунмасса. Ца хъуннасса Шайхнал, аьлимчунал гьаттай къуппа зат бувангу ихтияр дѣвсар. Амма микку чак буван къабучѣиссар.

Кѣтѣану бѣсан укунсса бѣвсар хатталлушчал бавхлусса масалартту. Цѣйми суаллу бухъурча шикку сукку къабѣвсса, шѣравусса мизитрал иманнах цѣувххуну кѣул буван бѣхъантѣиссар.

Къушиев Шагъабуддин, Гъунчѣукъатѣрал мизитрал имам

## Лайлатул-Къадрилул хъхъу

Ацния кивагу зурдариву яла Аххирамур, даража лаваймур барз – Рамазан барзери. Мунил хъхъурдардива яла ххирамур хъхъугу – Лайлатул-Къадрилул хъхъури. Мугу Рамазан зуруй цумур хъхъу дуссарив мыйжанну къакулссар.

Цавай алимтурал хъхъичира-хъхъичисса хъхъури тлар, куннал ацния арулку хъхъури тлар, куннал махъсса ацтрагу хъхъурдариву дуссар тлар. Миннувугу я къуния цалчинмурди, я къуния шамулчинмурди, я къуния арулчинмурди, я къуния урчулчинмурди тий бур.

Цайми алимтал тий бур, Рамазан барз алахат хъхъуну байбиширча, къуния урчулку хъхъу диклайссар, итни хъхъуну байбиширча, къуния цаку хъхъу диклайссар. тгалат хъхъуну байбиширча – къуния арулку хъхъу диклайссар, арвахI хъхъуну байбиширча – къуния урчулку хъхъу диклайссар, ххамис хъхъу байбиширча – къуния ххюку хъхъу диклайссар, нюжмар хъхъуну байбиширча – къуния арулку хъхъу диклайссар, ххулун хъхъуну байбиширча – къуния шамулку хъхъу диклайссар тий. Хасил, Аллагу Тааьланал му кIул къадурну, къюлтI дурссагу, хъхъурду уттара дуллай, жунма чире хъунмасса хъуншиврулли.

Лайлатул-къадри диклайсса хъхъунил лишангу: му хъхъу я хъиннура дяркъусса, я хъиннура гъелисса дакъа, дянивсса, паракъатсса хъхъу диклайссар. Хъхъурай Лайлатул-къадри диркIун, кIюрххил буккайсса баргъгу кIялану, нур чаннану биклайссар. Му чIумал гьарца задрал, уртту-щинал, аьрши-чарил Аллагнайн ﷺ сужда бувайссар. Му хъхъуну ккаччил хIапгу къачайссар, тлар.

Лайлатул-къадрилул хъхъуну Аллагу Тааьланал му шинаву, дунияллийн, халкъуннавун багъантисса амрурду, хIукмурду, къазаьру гьарца инсантурал, жиндардил, хIайвантрал, ущу-шулгьилул дуканмур, хIачIанмур,

дуванмур, дитанмур, хIатта гьар-цаннил зумату дукантисса жуав, бигъинтисса ссихI, ласунтисса ша, миннал ризкъирду, ажаллу, аьмаллу, ивчIантима, къашай хъунтима, хъин хъунтима, му шинаву лачIунтисири гьарал, бантисири марххала, бишунтисири марч, хъунтисири дяркъу, дикIантисири кIиришиву, ххяххантисири уртту, къама, ахъулсса, гьарца му шинаву хIасул хъунтисса ишру, хIукмурду къадар бувну азалданува лавсун дафтар-чич-рурду дувайссар. РахIматрал, аьзаврал, миннуха лархъхъуминнул дафтар



Жабраил малаикнахъхъун булайссар. Уртту-щинал, бакIлахърулул, миннуха лархъхъумунил дафтар Микаил малаикнахъхъун булайссар. Гьарал, дякъил, мурчал, бургъил дафтар Исафил малаикнахъхъун булайссар. Къашайшиврул, ивчIаврил, мукуминнул дафтар Изриил малаикнахъхъун булайссар. Ми малаиктуралгу Аллагнайн ﷺ хIукмурду бачин бувайссар. Лайлатул-Къадри тIалав дуван ччарча, му диклайссар тIисса хъхъурду уттара

дувавугу суннатссар, хъунмасса даража буссар. Хаснува мизитраву иьти-кафрай авцIуну зикри буллай, чакру буллай, дуаьртту дуллай, Заннайн леххаву тий икIаву хъинссар. Мукун чансса бунугу бувсса салихIсса, хъинсса аьмал Аллагнайна ﷺ азарва цайми зурдардий бувсса аьмалнир хъинссар.

Лайлатул-Къадри дуаьлухъхъун жаваб дулайсса хъхъури. Му хъхъуну чIявуну – «Аллагъумма иннака аьфувун, тухIиббул аьфва, фяьфу аьнни» – учаву хъинссар, жаваб дулаврил ссятравун тIайла бавцIуну, жаваб ду-

Ллагу МухIаммадун-Расулюллагъ» учирча, цаннихлу – мунал бунагьиртал аьпа бувайссар, цаннихлу – дуржагърая хассал увайссар, цаннихлу – Алжаннавун ухайссар. ХIасил, му хъхъуну ца чансса хIаллайвагу эбадат дуллай ацIарча, мунил даража Аллагнайна ﷺ хъинну хъунмассар.

Му хъхъуну, ссаврунайсса малаиктал лухччинийн ликкайссар. Ссавнил хъулурду тIитIайссар. Жабраиллул кIирагу нурданул хъару машрикь-райнгу, магърибрайнгу дияннин халкъуннал ялтту тIитIи дакъайссар. Му хъхъуну ссаврунная ца цIими ликкайссар, му цIими Жабраиллул гьарца уттавацца икIу, ивкIусса икIу, муьминтурайх бачIайссар. Миннан биял хъуну ххишаламур щин булуви куну Жабраиллул Аллагнанахъ ﷺ суал бувайссар. Аллагнаналгу ﷺ му хъхъуну бувсса оьрчIан була учайссар, чапуртурал оьрчIру бухъурчагу, мунийну, мий чапуртурал оьрчIру мусульманшиврий литIайссар – куну. Ялагу му хъхъуну ссаврунная мукъва ттугъ ликкайссар ца-цаннищал арулцIала малаикгу аьрхIалну. Ца – ливауль-хIамд тIисса ца даврил ттугъ, ца – ливау-р-рахIмат тIисса рахIму баврил ттугъ, ца – ливауль-карамат тIисса хъуншиврул ттугъ, ца – ливауль-магъфират тIисса аьфву баврил ттугъ. Гьарцаннигугу чивчуну буссар: «Ля илягъа илля Ллагу МухIаммадун-Расулюллагъ». ХIамдирал ттугъ бищайссар ссавнил ва лухччинул дянив. РахIматрал ттугъ бищайссар Къабалий, караматрал ттугъ бищайссар Байтул-мукъаддаслив. Аьфву баврил ттугъ бищайссар МухIаммад идавсил ﷺ гьаттай.

Ми малаиктуралгу гьарца хъунаавкъусса муьминчунахъхъун ссалам булайссар. Миннал къатравунгу бувххун, шанакъашиманахъхъунгу ссалам булайссар. Аллагъ ﷺ кIицI лаглагиманахъхъун Жабраиллул ссалам булайссар. Чак буллалиманахъхъун Аллагнайн ﷺ ссалам булайссар. Му хъхъуну, чани хъуннин, мукун ссалам буллай биклайссар мий малаиктал.

## Зумаритавал байран

Аллагу Тааьланал Зумаритавал къини даврин савав – ахиратлул къини дакIнийн дагъаншиврулли. Мунигу учайссар Эдрал къини, куну. Гьарца Эдрал къини дуркIукун, дунияллий халкъ кув ххарину, кув пашманну, кув ххуйсса канай, ххуйсса ларххун, кув оьккисса канай, оьккисса ларххун, кув бахъгта, кув буртгий, кув аьтгий, кув хъай биклайсса кунма, Къиямасса Къинигу мукун бикIантиссар.

ХIатта, муьминчувнал эдрал къинирду му дакъасса, ххюра цаймигу дуссар. Ца – цалва бунагъ къабувну, муния марцIну ларгсса къинири. Цагу – шагъадат дуртун Имандалий ивкIусса къинири. Цагу – ссиратIрал ламу лавхъун ххассал хъусса къинири. Цагу – Дуржагърая хассал хъусса, Алжаннавун увхсса къинири. Цагу – му неьмат цанма буллусса Аллагъ ﷺ ккавккун, мунах урувгсса къинири – яла хъинмур Эдрал къини мури. Му къини дакъа муьминчувнан рахIматшивугу дакъассар. Зумаритавал Эдрал къинигу хъинну ххирасса къинири. ХIатта, Аллагу Тааь-

ланал Алжан му къинири ляхъан бувсса. ТIуба тIисса Алжаннавусса яла хъунмур мурхъ му къинири бившусса. Жабраил малаик вахIьюшиврин увчIусса му къинири. Мунивуцца фазиларду, хъиншивуртту чIяруссар. Му къини хъинсса аьмал баву, Аллагъ ﷺ чIявуну кIицI лагаву хъинссар. Дуаьлухъхъун жаваб дулайсса, аьфву бувайсса, Аллагъ ﷺ цIимиллийну ургайсса къинири. Рамазан зурул махъра махъсса къини баргъ лавгун махъ, байрандалул лишан загьир дуваншиврул, Эдрал чак булланин, кIичIирттаву, мизитирттаву, къатраву, чу бухъурчагу, такбирду учавугу суннатссар, лахъну, бюхтIуну оьвкуну. Му такбиргу бищайссар «Аллагу акбар, Аллагу акбар, Аллагу акбар. Ля илягъа илляЛлагу ваЛлагу акбар. Аллагу акбар ва лиЛлагъил хIамд», – куну. Му хъхъу уттара давугу хъинссар, шанан къаивкIун, тIааьт-эбадат дуллай, Къуръан буклай, зикри-салават ккалай. Щалла хъхъу мукун гьан дуван къабюхъайманал, мунил хъунмур чIун эбадатрай гьан двава. Мугу къабюхъайманал ца ссятту дурну, хъатIан чак ва кIюрххил чак жяматрай буван хIарачат бувача.

КIюрххил Эдрал чаклин ачиннин чурх шювшюну, марцIшиву дурну, ххалилсса янна лаххаву, нахIусса къанкъ даву суннатссар. Байрандалул къини чак буваннин мукьтуршва: «Ля илягъа илла Ллагу вахIдагъу ля шарика лагъу, лагъул мулку, ва лагъул-хIамду юхIъи ва юмиту ва гьува аьла кулли шайин къадири» учирча, мукьтурша лагъ тархъан ивтссаксса чире буссар, цайми лавайсса даражарттугу буссар. Эдрал хъхъу дуркIукун, гьарца ливтIусса муьминтурал рухIру ссаврунная лухччинийн лирккун, цалла къатрал лагма шя диркIун, лагмара ккуранну дурну оьвтIун диклайссар, инсантуран къабаярчагу: «Жугу зу кунма дунияллий вай къатрал, ми хъуслил залухъруну бивкIссару, жугу дакIнийн багъияра, жухIуну садакъагу бувара, жул гьаттайн зияратгу бувара, жунгу жува бувсса хъинсса аьмал бакъа къалявкъунни» – тий кIюрххилин диркIун, яла цалла кIанайн кIура даяйссар. Миннал гьаттайн зияратгу бувну, миннахлу садакъагу буварча, ххарину тирх тий

лагайссар, къабуварча, пашманну лагайссар. Му къини ливтIуминнал гьаттайн зияратгу бувну, миннаату садакъагу бувну, ххуйсса яннагу ларххун, ххуйсса хIалалсса дукра дурну кулпатрангу, махъминнангу аваданшивугу дурну, куначIан кув зияратрайнгу лавгун, хIалалшивугу ласаву хъинссар, ссуннатссар. Амма, му къини чIярусса дукра дуркуну, хIан хIарчIун, оьккисса махсартту, хъярчру буллай, шяйтIан рязий бувну, Заннан ﷺ сси бизан баву къахъинссар. ХIатта, гьарца Эдрал къини иблисрал оьвкуну цилва аьрал бавтIун учайссар: «ХIакьину МухIаммад идавсил ﷺ уматиннай цими бувайсса къинири, зу хIарачат бувара, мий дукралухун, хIачIиялухун, махсара-хъярчирахун машхул бувну, бунагъру буван бувну, Аллагнайн ﷺ сси бизан бувансса» – куну. Мукун бухъувкун, му къини дукралухун, хIачIиялухун, бунагьиртахун машгъул хъуну, иблис рязий бувну дургъусса зумагу зия къадурну, Аллагъ ﷺ рязи хъунсса, хъинсса аьмаллу чIявусса буван аьркинссар.

«ГьунчIукъатIан»

## Зумаритавал къинилул чак

**Зумаритавал байрандалул кьини Эд-чак баву – Исламрал лишани, гужсса суннати (суннатун муаккад). Идавсгу ялув авцуну булла ивкиссар.**

Му чак жяматрай баву суннат баврил хикмат: ххирасса байрандалул кьини халкъ кунначан кув бавтун, му чакгу буну, дакругу цачун дурну, ххавхмийгу дакъил хьуну, хлалалшивурттугу ларсун ялтту бучарча, миннайн Аллагьнал цими ликкайссар. Хатта, муьминчунанлайкъ бакъассар му чаклия ххавхманашал дакъил къавхьуну гьан.

Байрандалул чак бувавил чунгу – кюрххил баргъ бивну махъ ахтгайн бизаннинни. Ххирамур чун – баргъ чансса гъаз хьувкунни. Мизитраву бавугу хьинссар. Жямат мизитраву къума хъанай бухьурча, авлахърай баву хьинссар. Цалвалу булла ухьурча, хутба къабуккуну байссар. Цуппагу кира ракаатрай байссар. Байсса куцгу: «На ният дурунни зума ритаврил Эдрал чаклил суннатсса кира ракаат дан хъунасса Заннай Аллагь акбар» – куну ният дайссар. Имамнал хьирив булла ухьурча, имамнал хьирив чинссар. Яла «Важжэгьту» дуккинссар. Ялагу «Аллагь акбар» куну, кару гъазгу дурну, махъуннай хъазамрай дирхьуну «Субханаллагь вальхамду лиЛляги ва ля иляга илляЛлагь вальхамду акбар» учинссар. Хьхичимур ракаатрай му куцуй арулва такбир буванссар, цал буну цал баннин мий махъругу учинтиссар. Яла «альхам» буккитиссар. Килчинмунийгу ххюйла такбир банссар, гайва махъругу учинссар. Яла «альхам» буккитиссар. Хьхичимур ракаатрай «Къаф» ягу «Саббихисма» буккитиссар. Килчинмуний «Икьтараба» ягу «Гьал атака» буккитиссар. Яла ссалам булдукун, ивзун хутба банссар нюзмар чаклил хутба кунмасса. Хьхичимур булланнин урчилва «Аллагь акбар» чинссар, хьиривмур булланнин аруйла учинссар. Му байни азан-къаматгу къаучайссар. Шамийла «Ассалата жамиагь» учинссар.

Эдрал чаклийн нанисса адиминал чурх шюшавугу суннатссар. Му гьуслу баврил чунгу хьху дачи хьувкун дучайссар. Ххуйсса марцисса янна лаххаву, чюлу шаву, нахусса къанкъ даву суннатссар. Михьру къукъаву, чурх марци баву суннатссар. Кюрххилва бучавугу суннатссар. Бахьтта, хлаллих бачаву хьинссар. Имамрив, чак бан чун хьувкун учлассар, учлайхту бугу булланссар. Хатта, имамнал мизитравун увхукун, суннат-чакгума къабанссар. Хьуни хъами бучавугу суннатссар, амма чюлу къавхьуна бучанссар. Чак буну махъ увкисса ххуллийх зана къавхьуну, цамунийх кира авну лагавугу суннатссар, чир хьунмассар.

Эдрал чак шаппа булланманангу цалва кулпатрашал, члаххурашал, гьан-маччаминнашал жяматрай буну хьинссар.

Клай дуьртту къакулманал цувалу булла ухьурча, кира ракаатрайсса суннат чак буванссар цанма кулсса куцуй, Эдрал чак бансса ниятгу дурну.

“Гьунчлукьатлан”

## СсахI — зумаритавал закат

**Хьус марци дуван хьуслий закат ялув бувсса кунма, чурх марци буну, зумалувусса диялдакъашивуртту кичи дан, зума Аллагьначла къамулну лякъин, зумаритавал ссахIгу ялув бувссар. Лагьнал дургьусса зума лухччи-ссавнил дянив дарцину диклайссар, ссахI букканнин ссавруннайн къалахълай.**

Зумаритавал ссахI буккан ялувссар гьарца мусульманчунаяту – чивисса иклу, хъунасса иклу, зума дургьусса иклу, къадургьусса иклу, зума ритаврил байрандалул хьхунугу кьинигу цалагу, цалва кулпатралгу дуркуну, ххишала шайсса хьус дусса ухьурча. Мукумма, цайва нафакъа ялувминнаятугун буккан ялувссар – кулпат-щарссания, оьрчла ва м.д..

Му ссахI ялув шайссагу байрандалул хьхуну баргъ лавгукунни. Му-



нир махъ ивкманаятугу, мунир махъ бувсса оьрчлаятугу буккан ялув бакъассар.

СсахI буккайнигу ният дуван аьркинссар: «Ният дурунни на фаризасса зумаритавал ссахI буккан ттухлува (щарссанихлу, оьрчлахлу, цаму пурман (ихтияр) лавьсса инсаннахлу) хъунасса Заннан Аллагь акбар» – куну.

Балугъ къавхьусса оьрчлаятугу бутал ниятрайну буккайссар. Ппу акъахьурча цаму валийнал ниятрайну букканссар. Мугу акъахьурча цаманал щил-бунугу буккан бучиссар. Ппу акъасса чумал, оьрчлаяту нитил буккангу бучиссар. Щарссанил, лас шаву акъасса чумал, мунал хьуслияту, циятува ссахI буккангу бучиссар, мунал изну бакъанугу. Щарссания изну бакъана ласнал буккангу бучиссар.

Хьунав хьуманал цаму вакил увангу бучиссар, цаятува ссахI буккан пурман булуну. Вакилналгу мунаяту буккан куну ният дурну букканссар. СсахI шалва Рамазан зурул мутталай буккан ихтияр дуссар, яла хьинмур, суннатмур чун – махъва-махъсса кьини баргъ лавгун махъ, байрандалул кьини Эдрал чак булла байбишиннин. Бучиссар байрандалул кьини баргъ гьаннин буккангу. Мунир махъун бутаву хларамссар. Му-

кун ливчманал мугьлат бакъа хьирив лахъан аьркинссар.

СсахI бичайссар цува усса клантаву чяруну ишла дувайсса баклахьрулийну. Жучлава Дагъустаннай му хъанай бур лачла. Жулва мазгьабрайн буну, ца лачлал ссахI дянивну 2 кило ва 400 грамм хъанахьиссар. Цайми аьлимтурал тимуни буну – 2 кило ва 700 гр. хъанахьиссар, муният, ххишалану хисав буну хьинссар.

Лачлайну ссахI буккан захмат хъанай бухьурча, Имам Абу Ханифанал мазгьабрайн буну, арцуйну буккан ихтияр дуссар. Абу Ханифанал мазгьабрайн буну, ца ссахI 3 кило ва 700 гр хисав бувайссар. Мукум, арцуйну буклай ухьурча, ният дувайссар: «Ният дурунни на фаризасса зумаритавал ссахI Имам Абу Ханифанал мазгьабрайн буну арцуйну буккан ттухлува (щарссанихлу, оьрчлахлу, цаму пурман лавьсса

му тархъан хьуншиврул аьркинссаксса.

6. Ялуршиннаралун, буржиривун агьманангу булунссар му бурж лахъануксса, так хлалалну бувсса бурж бухьурча, масала, цалва чурхан, кулпатран аьркин дан, дучи дуван бурж буну бивкхьурча. Ягу Хажлив гьан, зияратрай гьан, гъазаватрай гьан, ягу ххавхмий бакьил буну, хъамал хъамалу буну, мизит буну, ламу буну, ясир увма тархъан уван бувсса бурж бухьурча. Мукумма, цайми хьинбаларттал ххуллий ларсун, буржиривун агьну ивкхьурча. Амма бунагъ булла, икрафшиву дулла, хлантту хлачлай, буржиривун агьманан къабудайссар, амма марцину, хлакьну тавба дуварча, пашман хьурча, мунагу булун бучиссар.

7. Чикъавчуну, харж къабивхьуна, Аллагьнахлуна увкун нанисса гъазинангу булунтиссар, ярагъ, чу, лаххия машан ласунсса, хьус дусса ухьурчагу.

8. Хлалалсса ссафарданий нанисса мусафирнангу булунссар, канихъ за дакъа ливчун ухьурча. Бунагъсса, хларамсса ссафарданий наниманан къабудунссар.

Вай мяйва жура бакъасса цайминан, масала, ятинтуран ягу къашавайсса инсантуран, клай мяйвагу журалувун багълай бакъахурча, ссахI булун къабучиссар, булурча, му укумасса садакьалун ккалли хъанахьиссар ва муният ссахI бичаврил бурж барт къалагайссар. Цаннан булавунияр чявуссанан булуну хьинссар.

Ми закят ласайсса мяйвагу журалул халкъ цивпагу мусульмансса бикан аьркинссар, чатурчунан закят къабудайссар. Миннавугу аьжизманан, цана гьанманан, дин думанан, хьинманан чан-къансса ххи буну бучиссар. Мухаммад идавсил тухумдалиятуманангу булун къабучиссар.

Хьхичисса шиннардий ци-дунугу савав хьуну къабулунма ливчисса ссахIгу шайкун анаварну хьирив лахъан ялувссар.

Зумаритавал ссахI буккан аьркинссар Рамазан зурул махъва-махъсса кьини баргъ лагьагисса чумал цува усса шяраву ягу шагьрулий. Му шяравусса мискинтурайх, закятрал агьулданийх бачинссар. Микку закятрал агьлу бакъахурча, му цува усса кланайн яла гьанмур шар цумур дурив ххал дурну, миккусса мискинтурайх бачинссар.

Жулва клантаву ссахI ласайми яла чявуну шанма журалул бакъа къабиклай: факьиртал, мискинтал ва буржиривун багъмий (диндалул элму лахълахьисса мутааьлимталгу факьиртуравун ккалли бувайссар).

СсахI шалуну, къамулну хьунсса куцуй бувкун, багъайсса куцуй бавчусса мусульманчунан чярусса хьиншивуртту дуссар: бунагърая марци шайссар, дуржагьрал царая ххассал шайссар, гьаттавату иминну уккайссар, Сиратрал ламуйх паркуна лахъайссар, хьиншивурттугу шайссар, Идавсил шафагъ бийссар, Алжаннул агьлу льякьинтиссар, зумалуусса диялдакъашивуртту муният дурзуну, къамулну шайссар.

Рамазан Ильясов

# Дувара дуаь!

Рамазан барз бур жунма Аллагу Тааъланаясса цѳими. Ва цинявпагу мусульмантуран яла ххирамур барз бур. Ва зуруй жува цуксса бунагьирттая марцѳи буккан бувайссарив ва цукун Ахиратраву чирину лякъинтѳиссарив жухъва буслай бур имамтурал ва диндалул аьлимтурал, мукунма ва жула чурххан цуксса хайр буссарив личѳи-личѳийсса къашайшивурттая чивчуну бур чѳявусса даптгарду учѳеныйтурал.

Вай гьарзагу чѳарах бивтун, на шикку дакъинин бутан ччай уссияв укунсса зад- ДУАЪ. Жула Идавсил Мухаммадул ﷺ увкуну бур: «Шанна дуаь къамул къадурну къаличѳантѳиссар. Мигу; ниттил цала оьрчѳая дурсса дуаь, зума дургъусса инсаннал дурсса дуаь ва ххуллийн увксса, сапарданийсса инсан-



нал дуаь». Ва хадисрайнгу бивну, ттула дакъинил оьвчаврингу бивну на ура леххаву тѳий: нитти-буттайн - дувара зула оьрчѳаха дуаь, арсваврайн-душваврайн - дувара зула нитти-буттая дуаь. уссурвал-ссурвал – дувара зула-зула уссурваврая, ссурваврая дуаь. Дувара дуаь мачча-гъанная, чѳахху-чѳарахная, дувара мискин-гъарибная, къашавай шанийма хъама къаивтун! Дакъинихтуну миннатри! Аллагу Тааъланал Къуръандалулу увкуну бур (мяна): «Зу Ттуйн леххаву учара, На зун жаваб дулунна». Хѳурмат лавайсса кказит буккулт! Бачияра ва жула чѳивисса бунугу ххалилсса, чансса бунугу дуниялийх цѳа дурксса вирттал, шайхтал, аьлимтал чѳявусса, ас-ламус бусса лакрал жяматраха дуванну-ча дуаь. Аллагъумма Амин.

Камал Амиров

## «Мусульманнал ярагъ»

Цумур-бунугу чурххал базу цѳун бивѳукун Цѳуцѳисса кѳанай кагу дирхъуну, учайссар:

«Бисмиллагъ» (3-ва).  
Яла учайссар:

بِسْمِ اللَّهِ  
أَعُوذُ بِاللَّهِ وَقُدْرَتِهِ مِنْ شَرِّ مَا أَجِدُ وَأُحَاذِرُ  
«Аоьзу биЛлагъи ва къудратигъи мин шарри ма аждиду ва ухѳазиру» (7-ва).  
Мягна: «Аллагънайн ﷻ ва Аллагънал Къудратрайн леххаву тѳий ура ттула чурххан нигъачѳин ягу зарал бумуня ххассал хъуншиврул».

Къашавайманах урган лавгукун

أَسْأَلُ اللَّهَ الْعَظِيمَ رَبَّ الْعَرْشِ الْعَظِيمِ أَنْ يَشْفِيكَ  
«АсьалуЛлагъаль Аьзѳима Раббаль аьршилъ аьзѳими ан яшѳияка»  
Мягна: «Бюхттулсса Аллагънахъ, Аьрширал Залуннахъ чѳа тѳий ура ина хъин уваву».

Винна ххирасса зад ккаккайтху

الْحَمْدُ لِلَّهِ الَّذِي بِنِعْمَتِهِ تَتِمُّ الصَّالِحَاتُ  
«Альѳамдуллилагъи ллази бинѳиьматѳийѳи тѳатѳимму ссалихѳату».  
Мягна: «Аллагънайн ﷻ щукру. Аллагънал ﷻ неьматрайн-нури хъинмур шайсса».

Винма тѳааьн бакъамур ккаккайтху

الْحَمْدُ لِلَّهِ عَلَى كُلِّ حَالٍ  
«Альѳамдуллилагъи аьла кулли хѳалин»  
Мягна: «Аллагънайн ﷻ щукру гьарца ишираву».

Хъяхъисса инсан ккаккайтху

أَضْحَكَ اللَّهُ سِتِّكَ  
«Азхѳакалагуу синнака»  
Мягна: «Аллагънал ﷻ ина мудан тяхъану итаннав».

Аьзаврайсса, дардирайсса инсан ккаккарча

الْحَمْدُ لِلَّهِ الَّذِي عَفَاَنِي مِمَّا إِيْتَلَاكَ بِهِ وَفَضَّلَنِي عَلَى كَثِيرٍ مِمَّنْ خَلَقَ تَفَضُّلاً  
«Алѳамдуллилагъи ллази аьфани мѳимма ибталака

бигъи ва фаззалани аьла касирин мѳимман халакъа тафзилан»

Мягна: «Аллагънайн ﷻ щукру на укунсса захѳматшивурттая урувчусса, ва цѳайминнаяр къулайну ивтсса».

Марч бивщукун

اللَّهُمَّ إِنِّي أَسْأَلُكَ خَيْرَهَا وَخَيْرَ مَا فِيهَا وَخَيْرَ مَا أُرْسِلَتْ بِهِ وَأَعُوذُ بِكَ مِنْ شَرِّهَا وَشَرِّ مَا فِيهَا وَشَرِّ مَا أُرْسِلَتْ بِهِ

«Аллагъумма инни ас'алюка хайрагъа ва хайра ма фигъа ва хайра ма урсилат бигъи ва аоьзу бика мин шарригъа ва шарри ма фигъа ва шарри ма урсилат бигъи».

Мягна: «Я Аллагъ, на Вихъ чѳа тѳий ура ва мурчаяту хъинбала, ва уруччаву ваниву бусса оьбалалуя».

Ттурлу даркъукун

اللَّهُمَّ إِنِّي أَعُوذُ بِكَ مِنْ شَرِّهَا

«Аллагъумма инни аоьзу бика мин шарригъа»  
Мягна: «Я Аллагъ, На Вихъ чѳа тѳий ура вания зарал бияврия уруччаву».

Оьккисса, тѳааьн бакъасса иш хъурча

قَدَّرَ اللَّهُ وَمَا شَاءَ فَعَلَ  
«Къаддараллагъу ва ма ша-а фааьла»  
Мягна: «Му Аллагънал ﷻ чичрури, Аллагънал ﷻ цанма ччимур бувайссар».

Гьарал ларчѳукун

اللَّهُمَّ صَيِّبَا نَافِعًا  
«Аллагъумма сайѳибан наѳиаьн».  
Мягна: «Я Аллагъ, мюнпатсса, хайр бусса гьарал лачѳун дува».

Дакъинивун пашманшиву дурххукун

اللَّهُمَّ إِنِّي أَعُوذُ بِكَ مِنَ الْهَمِّ وَالْحَزَنِ وَأَعُوذُ بِكَ مِنَ الْعَجْزِ وَالْكَسَلِ وَأَعُوذُ بِكَ مِنَ الْجُبْنِ وَالْبَخْلِ

«Аллагъумма инни аоьзу бика миналь гьамми валь хѳазани ва аоьзу бика миналь аьжзи валь касали ва аоьзу бика миналь жубни валь бухли»  
Мягна: «Я Аллагъ, на Вихъ чѳа тѳий ура уруччаву дардирдая ва пашманшивруя, заэвшивруя ва курчѳилшивруя, нигъа усаврия ва мяшшивруя».

Аьнч увкуманал учайссар

الْحَمْدُ لِلَّهِ  
«Альѳамдуллилагъ».  
Мягна: «Щукру Аллагънайн ﷻ».

Чѳаравманал учайссар:

يَرْحَمُكَ اللَّهُ  
«Ярѳамукалагъ»  
Мягна: «Аллагънал ﷻ вий раѳѳму буваннав»  
Аьнч увкуманал жаваб дулайссар:

يَهْدِيكُمْ اللَّهُ وَيُصَلِّحُ بِأَلْسِنَتِكُمْ  
«Ягъдикумуллагуу ва юслихѳа балакум»  
Мягна: «Аллагънал ﷻ ина тѳайласса ххуллийх ачин уваннав ва вил аѳѳвал-хѳал ххуй буваннав».

Винма хъинбала бивманахъ

جَزَاكَ اللَّهُ خَيْرًا  
«ЖазакаЛлагъу хайран»  
Мягна: «Аллагънал вин хъинсса жазаъ булуннав».

Винна аьркин дуван арцу дуллуманахъ

بَارَكَ اللَّهُ لَكَ فِي أَهْلِكَ وَمَالِكَ  
«Баракалагъу лака фи агълика ва малика»  
Мягна: «Аллагънал ﷻ вил кулпатрайн ва хъуслий бара-чат бишиннав».

Оьсса паччахѳи паракъат хъуншиврул

(къинилун 7-лла)  
أَحَاطَتْ بِِي الْأَنْوَارُ مِنْ كُلِّ جِهَةٍ وَهَيَّبَتْ مَوْلَانَا الْعَظِيمَ بِنَاعَلَتْ

«Ахѳатѳат бияль анвару мин кулли жигъатин ва гъайба-ту мавланаль аьзѳими бина аьлат»  
Мягна: «Ттул лагмарагу нур хъунни, ва жул лагмара Бюхттулсса Заннал ﷻ Хъуншиву гъаз хъунни».

## Душварал мадраса

Вана утти кѳира шинни Махѳачкъалаливсса шайх Сайѳуллагъ-Къадиал (къ.с.) цѳанийсса мизитраву мюрщисса оьрчѳан ва душварансса гъинттулсса курсу нани бивну, миккугу лахълахъисса чак баву, Къуръан буккаву ва цѳаймигу Исламрал гъанурду. Душварансса дарсру дихълай бур мизитравусса хъаннил мадрасалуу Наьвадиннул душ Махлукъат Хѳажиевал.

- Дарсирдайн буклай бур къувахъул душ. На лахъхъин буллай бура душваран тѳайлану чак буван, Къуръан буккин, мусульманнал дѳикан аьркинсса адабирттан. Дарсирдайн бучѳай 8

шиная 15 шинайн бияннинсса душру. Ттул мадрасалуу дарс дихълахъисса инсаннан кунма ххаришиву дѳиклай ялу-ялун чѳявусса нитти-буттагъал хѳарачат буллалаврий цалва оьрчѳан мюрщину буна дин лахъхъин дуван. Даки ххари хъанай дур личѳи-личѳийсса оьрмулул ва миллатрал оьрчѳру Исламрал чулхуннайсса ччаврил цѳѳун буллай бушиву, - буслай бур цѳала даврия Махлукъат. Ххирасса уссурвал ва ссурвал, лакрал жямат! Зула душваран тѳайласса диндалул гъанурду лахъхъин буван ччарча, щак бакъа гъан буван бучѳиссар ва мизитравусса мадрасалуун.

Увайс Мухѳаммадов





**Дагестанский исламский университет и медресе имени шейха Мухаммад-Арифа**

объявляют прием абитуриентов на очередной учебный год. Обучение предназначено для получения целостных знаний о религии и подготовки специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа»  
Продолжительность обучения: в Дагестанском исламском университете – 5 лет; в Медресе – 3 года.  
Принимаются юноши и девушки, имеющие среднее полное общее образование.  
Прием документов с 1 июня.

**Перечень документов, необходимых для поступления:**

- нотариальная копия документа об образовании;
- копия паспорта;
- фотокарточки размером 3/4 в количестве пяти штук;
- медицинская справка Ф 086;
- прививочный сертификат Ф 156/у-93;
- рекомендация от преподавателя религиозного обучения ли-бо от руководителя мечети (имама), расположенной по месту жительства абитуриента.

**Приём документов ежедневно кроме пятницы с 9:00-17:00, перерыв с 12:00-13:00 по адресу: г. Махачкала, ул. Дахадаева, д. 136**

тел. +79882945616.

**МИНИСТЕРСТВО ОБРАЗОВАНИЯ И НАУКИ РЕСПУБЛИКИ ДАГЕСТАН  
ПРОФЕССИОНАЛЬНОЕ ОБРАЗОВАТЕЛЬНОЕ УЧРЕЖДЕНИЕ «ГУМАНИТАРНО-ПЕДАГОГИЧЕСКИЙ КОЛЛЕДЖ»**

Лицензия 05Л01 № 0000748 рег. № 6453 от 22.08.2012 г.  
Свидетельство о гос. аккредитации № 000350 № 4708 от 08.07.2010 г. до 08.07.2015 г.

**Уважаемые абитуриенты!**

Гуманитарно-педагогический колледж объявляет набор на 2015-2016 учебный год. ПОУ «Гуманитарно-педагогический колледж» осуществляет подготовку специалистов со средним профессиональным образованием для общеобразовательных школ, предприятий, организаций и учреждений.

**Особенности колледжа**

- раздельное обучение юношей и девушек;
- преподавание основ и культуры религии;
- высокий уровень воспитательной работы;
- адаптация программ к уровню знаний студентов;
- исключение коррупции, объективная оценка знаний.

**Специальности**

Преподавание в начальных классах

Квалификация выпускника: Учитель начальных классов. Срок обучения по очной форме: на базе 9 кл. – 3 г. 10 мес., 11 кл. – 2 г. 10 мес., по заочной форме: 11 кл. – 2 г. 10 мес.

Экономика и бухгалтерский учет

Квалификация выпускника: Бухгалтер. Срок обучения по очной форме: на базе 9 кл. – 2 г. 10 мес., 11 кл. – 1 г. 10 мес.

Дизайн (по отраслям)

Квалификация выпускника: Дизайнер. Срок обучения по очной форме: на базе 9 кл. – 3 г. 10 мес., 11 кл. – 2 г. 10 мес.

Социальная работа

Квалификация выпускника: Специалист по социальной работе. Срок обучения по очной форме: на базе 9 кл. – 3 г. 10 мес., 11 кл. – 2 г. 10 мес.

Документы и сроки приема

- документ об образовании или его копия, заверенная нотариусом;
- копия паспорта (свидетельство о рождении);
- 8 фотографий размером 3х4;
- медицинская справка формы 086у.

Прием документов

На очное отделение – с 10 июня по 20 июля.

На заочное отделение – с 10 июня по 30 сентября.

Адрес приемной комиссии:

РД, г. Махачкала, ул. А. Султана, 10-й км; ул. Дахадаева, 136.

Контакты

51-88-33, 8-988-784-51-56

gpkdag@mail.ru

www.gpkdag.pf www.gpkdag.com

**Дагестанский гуманитарный институт объявляет набор на 2015–2016 уч. г. по следующим направлениям:**

**48.03.01 «Теология»**

Квалификация: бакалавр теологии  
Профиль: культура Ислама  
Срок обучения: очно – 4 года, заочно – 5 лет.  
Перечень вступительных испытаний: история, русский язык, обществознание.

**48.04.01 «Теология»**

Квалификация: магистр теологии  
Профиль: исламская теология  
Форма и срок обучения: 2 года (принимаются лица с высшим гуманитарным образованием)  
Перечень вступительных испытаний: теология

**45.03.02 «Лингвистика»**

Квалификация: бакалавр лингвистики  
Профиль: теория и методика преподавания иностранных языков (арабский, английский)  
Форма и срок обучения: очно – 4 года.  
Перечень вступительных испытаний: иностранный язык, русский язык, обществознание.

**42.03.02 «Журналистика»**

Квалификация: бакалавр журналистики  
Профиль: журналистика  
Форма и срок обучения: очно – 4 года, заочно – 5 лет.  
Перечень вступительных испытаний: литература, русский язык, обществознание.

**38.03.01 «Экономика»**

Квалификация: бакалавр экономики  
Профиль: бухгалтерский учет, анализ и аудит  
Срок обучения: очно – 4 года, заочно – 5 лет.  
Перечень вступительных испытаний: русский язык, математика, обществознание.

**38.03.05 «Бизнес-информатика»**

Квалификация: бакалавр бизнес-информатики  
Профиль: электронный бизнес  
Срок обучения: очно – 4 года  
Перечень вступительных испытаний: русский язык, математика, обществознание.

**50.03.01 «Искусства и гуманитарные науки»**

Квалификация: бакалавр искусств и гуманитарных наук  
Профиль: международные отношения, политические науки и права человека  
Срок обучения: очно – 4 года, заочно – 5 лет  
Перечень вступительных испытаний: русский язык, история, творческий конкурс

Прием документов: с 10 июня по 29 августа.

АДРЕС ПРИЁМНОЙ КОМИССИИ:

г. Махачкала, ул. Дахадаева, 136 (рядом с Центральной джума-мечетью).

Тел. 94-00-60, 8 964 009 00 47

http://daggum.ru

**ХІаж—2015**

**ХІурмат бусса лакрал жямат, уссурвал ва ссурвал! Сакин буллай буру гъашину цала капилийну ХІажлив гъан ччисса лакрал группа. Цуххаву дуван хъунтиссар вай номердайн овькуну: 8-989-864-32-69, 8-928-250-36-66**

**Рузнама**

**Август**

Къни	Къорхил чак	Баргъ букваву	Ахттайн чак	Ахттакъун чак	МаркIацIан чак	ХъатIан чак
1	02:40	04:38	11:58	15:56	19:13	20:43
2	02:41	04:39	11:58	15:56	19:12	20:42
4	02:45	04:41	11:58	15:55	19:09	20:39
6	02:48	04:43	11:57	15:54	19:07	20:37
8	02:52	04:46	11:57	15:53	19:04	20:34
10	02:55	04:48	11:57	15:52	19:01	20:31
12	02:58	04:50	11:57	15:50	18:59	20:29
14	03:02	04:52	11:56	15:49	18:56	20:26
16	03:05	04:54	11:56	15:48	18:53	20:23
18	03:08	04:56	11:55	15:46	18:50	20:20
20	03:12	04:59	11:55	15:45	18:47	20:17
22	03:15	05:01	11:54	15:43	18:43	20:13
24	03:18	05:03	11:54	15:41	18:40	20:10
26	03:21	05:05	11:53	15:39	18:37	20:07
28	03:24	05:07	11:53	15:38	18:34	20:04
30	03:27	05:09	11:52	15:36	18:30	20:00

Рекомендовано каноническим отделом ДУМД для г. Махачкалы



إلهي أنت مقصودي ورضائك مطلوبي

**islamdag.ru**

Новости Аналитика Вероучение История Личности Мусульманка

**IslamLak.ru**

РУССКО-ЛАКСКИЙ ИСЛАМСКИЙ ОБРАЗОВАТЕЛЬНЫЙ ПОРТАЛ

**ХХИРАССА БУККУЛТ!**

**НАЙ ДУССАР 2015-КУ ШИНАЙНССА "АС-САЛАМ" ККАЗИТРАЛ ПОДПИСКА.**

**ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА МУКУНМА ГЪАРЦА РАЙОННАЙССА ЖУЛ ВАКИЛТУРАЙХЧИН.**

**ККАЗИТ ЧИЧАВРИЛ ВА БИЯН БАВРИЛ ХІАКЪИРАВУ ОВЪЧИН БЮХЪАНТИССАР ВАЙ НОМЕРДАЙН:**

**8-928-250-36-66, 8-988-264-56-58**